

**Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE**



**Broj: 01-52/12
Vareš, 29.02. 2012.godine**

Na osnovu člana 132. Zakona o zaštiti od požara i vatrogastvu („Sl. novine ZE-DO kantona broj :5/11), člana 22. tačka 2. Statuta općine Vareš broj: 01-25/09 od 29.01.2009. i broj:01-15/12 od 30.01.2012.godine. Općinsko vijeće Vareš na 36.sjednici održanoj 29.02.2012.godine. d o n o s i

O D L U K U
o utvrđivanju visine naknade za osiguranje sredstava Općinskog fonda za vatrogastvo na području općine Vareš

Član 1.

Ovom odlukom utvrđuju se obveznici i visina naknade, namjena sredstava, način i rokovi plaćanja.

Član 2.

Obveznici naknade iz prethodnog člana su:

- privredna društva i druge pravna lica koja nemaju uređen način protupožarne zaštite ili nemaju vatrogasnu jedinicu, niti su sklopili ugovor za pružanje usluga zaštite od požara i spašavanje ljudi i materijalnih dobara u slučaju požara s općinskom Profesionalnom vatrogasnom jedinicom.
- vlasnici i korisnici proizvodnih , poslovnih i drugih prostora.

Član 3.

Privredna društva koja imaju uređen način protupožarne zaštite, osnovanu vatrogasnu jedinicu, ili su zaključila ugovor s općinskom Profesionalnom vatrogasnom jedinicom, nisu u obavezi plaćanja naknade.

Član 4.

Visina naknade iz člana 1.Odluke, određuje se prema jedinici površine koju koriste obveznici iz člana 2. Odluke, kao i prema požarnom opterećenju i požarnom riziku objekta , i iznosi :

- za poslovne i proizvodne prostore do 100 m² utvrđuje se godišnji paušalni iznos od 10,00KM.
- za poslovne i proizvodne prostore površine preko 100m² _____ 0,01 KM/m² mjesečno
- za skladišne prostore _____ 0,05 KM/m² mjesečno
- za prostore koje koriste zdravstvene, obrazovne i kulturne ustanove i organizacije _____ 0,001 KM/m² mjesečno

Za obveznike iz člana 2.stava 1.i 2. koji se bave djelatnošću kao što je tehnologija proizvodnje zapaljivih materijala, trgovina zapaljivim materijalima, drvo prerada, metalurgija, i sl., visina naknade utvrđuje se na osnovu površine prostora u kome se obavlja ta djelatnost i iznosi 0,10 KM/m² mjesečno.

Za benzinske pumpe visina naknade utvrđuje se na osnovu zapremine rezervoara za gorivo i iznosi 1,00 KM/m³ mjesečno.

Član 5.

Sredstva koja će se ostvariti iz naknade na osnovu ove Odluke, koristit će se isključivo za :

- nabavku tehničke opreme i sredstava za gašenje požara,
- održavanje objekata profesionalne vatrogasne jedinice,
- obrazovanje vatrogasnih kadrova,
- edukaciju građana,
- naučno-istraživačku djelatnost u oblasti zaštite od požara.

Član 6.

Služba civilne zaštite će nakon stupanja na snagu ove Odluke, utvrditi dinamiku donošenja rješenja za pojedine kategorije obveznika naknade za protupožarnu zaštitu.

Član 7.

Danom stupanja na snagu ove Odluke prestaje da važi Odluka br:01-119/08 od 25.05.2008 godine.

Član 8.

Ova Odluka stupa na snagu osmog dana od dana objavljivanja na općinskoj oglasnoj tabli Općine Vareš.

**PRESJEDAVAJUĆI
OPĆINSKOG VIJEĆA**

Josip Malbašić

Ova Odluka je objavljena na oglasnoj tabli Općine Vareš dana 02.03.2012.godine.

OPĆINSKI NAČELNIK

Hamdo Fatić

OBRAZLOŽENJE

U 2011.godini, stupio je na snagu novi Zakon o zaštiti od požara i vatrogastva ZE-DO kantona, objavljen u Službenim novinama ZE-DO kantona br:5/11.

Pošto je raniji Zakon zaštite od požara i vatrogastvu, stavljen van snage, ukazala se potreba i obaveza za donošenje nove Odluke o utvrđivanju visine naknade za osiguranje sredstava Općinskog fonda za vatrogastvo na području Općine Vareš, koja će biti usklađena sa važećim Zakonskim propisima, koji uređuju ovu oblast na području ZE-DO kantona. U skladu s navedenim, novom Odlukom mijenja se samo preambula prethodne Odluke, dok sadržaj Odluke ostaje nepromijenjen, pa predlagač smatra da nema potrebe za provođenjem javne rasprave, te da Odluku treba u formi prijedloga uputi na razmatranje Općinskom vijeću.

S obzirom na samo manji dio usklađivanja ove Odluke predlažem Općinskom vijeću, da istu usvoji u predloženom tekstu.

Ovlašteni predlagač
OPĆINSKI NAČELNIK
Hamdo Fatić